

SARS YI TEKA 11 WA TIKHONTHEYINA LETI TIVISIWEKE HI NDLELA YA VUNWA

Tshwane, Ravunharhu, 8 Khotavuxika 2022 – Vukorhokeri bya Xibalo bya Afrika-Dzonga (SARS) hi ku tirhisa *Customs National Rapid Response Team* yi tekile (11) wa mindzhwalo leyi tivisiweke hi ndlela ya vunwa leswi endliweke hi swiambalo leswi kombisiweke tanihi titanghu leswi nga na ntsengo wa mbaviseko eka nkwama wa nkoka wa R 3 million.

Xipano xa Khasitomo xi kamberile hi nyama no kambela 11 wa tikhontheyina, na switsariwa swo heleketa, no kuma leswaku nhundzu wu tivisiwile hi ndlela ya vunwa hi vatundzi vambirhi. Vatundzi eka mitiviso ya vona eka SARS va tivisile hi ndlela ya vunwa tanihi titanghu.

Kheyisi ya vuxisi ehenhla ka vatundzi yi tsarisiwile na Vukorhokeri bya Maphorisa bya Afrika-Dzonga, lebyi endlaka vulavisisi byo engetelela na nhlanganelo na SARS.

SARS yi tsakela ku tiyisisa ndzemuxo wa yona eka vaxavisi na tiejente ta mbhasiso lava nga landzelerisiki ku tshika maendlelo ma mitiviso ya vunwa na tshalatshala ro endla vukungundzwana eka mfumo eka leswi kolotiwaka nkwama.

Khomixinara wa SARS Ttn Edward Kieswetter, u ndhundzhuzerile matshalatshala ma vaofisiri va Khasitomo. U te, "Hungu eka vaxavisi na tiejensi ta mbhasiso lava nga landzelerisiki va fanele ku ka va nga sorisi, leswaku hi ku fambisana na swikongomelo swa hina swa kungu, SARS yi ya emahlweni yi tiyisa tshaku ra yona ra vhumbunulo. Yi ta endla swi nonoha no durha eka vahakelaxibalo valavo lava tinyiketeleke no nghenelela eka mukhuva wa nkavulandzelelanawu."

Mayelana na swivutiso swa vuhangasamahungu, u komberiwa ku tihlanganisa na SarsMedia@sars.gov.za.